

Sababuuji cottinol himbe nder leydi muudum'en

**ANNDINOL SEKERETER TOKKUDŌ HO'OREEJO , GI'ETEEĐŌ
M.SERGIO VIEIRA DE MELLO, DOW SABABUUJI DŌN**

Kawtal saruusiji ballitol no anndani cafeelee de cottinol himbe nder leydi muudum'en. Himbe sottinaabe ben no ngafa miliyooji 20 nder duuniyaaru fuu. Nde nii gomnati e aardibe nokkureebe no ngoodi Sababu hiinude sottinaabe ben, kawtal saruusiji dŏn duu no mballa faa kiinol ngol tabbita sanne wakkati kabe e cafeelee. No haani ngafen mballa laatiika no hiina sanne ferube ben. Faro ko daarata onnde Kawtal Leyde Duuniyaaru , Sababuuji nafooji adaama law ngam kiinol sottinaabe ben. Komiti leyde hokkii yam Sababu mi laatoo kaaldeteedo dow egginol himbe. Nder gadol gollal ngal, tilay am mi fahmina kawtal leyde Duuniyaaru, kaden mi durwida e cafeelee egginol

e tita gollidol e saruuiiji battiidi e cenndol teddeendi kaliifa e ballirol. Ngam majjum mido sifoo bannginol dewtere dow sababuuji egginol himbe nder leydi muudum'en. Sekereter lomtoowo mo kawtal leyde Duuniyaaru wurtini dewtere nden. Sababuuji din no tuugii dow hakkeegi bii-adama to tawaa fuu . Hakkeegi kaani laatoo ndaba ,tinndina saruusiji mballa bibbe-aadama faa egginaabe ben nafoo,kiinee rafo e konu.

Komiti leyde on no yadoo sababuuji din e no yamira himbe muudum ngollira dati nder gade mabbe faa be mballa egginaabe ben.

Mido hakinkini ko sababuuji din poodan hakkillooji himbe e kawte ballooje faa be pahmana cadeele egginaabe,be mballa be.Faa jooni, sababuuji din no caaboo reenaare e moy'inol nguurndam egginaabe ben.

Mido yidi nidfo moodon fuu fahmtina himbe dume woni nufayeere dati din.No haani egginaabe ben caanee.

Anndinol aranol ngol Lomtoowo Sekereter Jeneral kawjiidfo egginaabe ben winndi

M. Francis M. Deng

Kawtal leyde no haani wada kuugal mawngal faa hiina egginaabe, diiwaabe nder gure muudum'en ngam kabe, kuyfinol bii-aadama e jaabol dati hakke bii-aadama e sababuuji goodom, ammaa dum fuu, himbe ben no tawaa nder leydi muudum'en. No wadi fuu, himbe ben no nder mettorgal ,talkaaku,tampiri e lennyinaagu. Ngam habude e ko limta dum fuu, wadi sababuuji egginol himbe winndaa. Sababuuji din tabbintinta hakkeeki bibbe-aadama, kakkiloo e majji, kiina di nde himbe no egginee fuu. Idi kada cottinol bonngol ngol walaa reenaare ; kaden sababuuji din no mballa egginaabe ngarta to ndilluno, koditoo togoodom faa ndeentoo. Sababuuji din no ngolliree hano dati kiinol hakkeeki bibbe-aadama e hakkeeki himbe mooliibe leyde muudum'en.

Sababuuji din mbinndanooma duubi yahde duubi hano no wi'aa mi gollira illa 1992. Arannde fuu, wi'aakanaa mi jannga sababuuji e ko di caabi nder cottinol himbe, darnde himbe sottinaabe, no be mballirtee, koye woni muraaduwi mabbe, noye nguurndam mabbe moy'iniirtee e noye be kiinirtee rafo, kabe e ko wa'i non.

Golle am mawde ngoni goondinol laabi deenol mooliibe e titude pahmtinol nder leyde faa laamuwi e saruusiji mballa din caawondira nden kawta paddoo cafee. Mi gollidii e fedde juujuube leyde janaane, mi laasibake Sababu ngole adetee ko himbe egginaabe bee caanee. Kaden mi hawrii talki , mi finciti di sariya (E/CN.4/1996/52/Add.2). Laasibaaki kin anndinii ko datol tuugorgol ngol , gollirteengol ngol teddinii himbe egginaabe ben, no tawaa duu to datol ngol laabinanaay himbe ben faro ko daarata reenaare e kiinol. Caggal majjum, komiti hawriinde mawnde nden yamiri yam mi wada dati dartiidi deenoji himbe sottinaabe ben. dum saabi binndol sababuuji cottinol naa egginol himbe. dati din no tabbintina Sababuuji nawtorteedi din e no laabina gade goodom e ko haandi moy'inee.

Mi hollii sababuuji din Komisiyon nder hitaande 1998, nden Komiti on yardii golle den e nufayeere am , ngam miin lomtata Sekereter Jeneral on. Miin wi'i di ngolliree nder geewte hakkunde gomnatiiji e himbe wattube haangoji muudum'en e egginol himbe. Komisiyon on duu yardake anniya komiti hakkunde pelle jardiide sababuuji din. Inde duunya fottube hawriinde nden kaalanowa himbe muudum'en , saruusiji mabbe e golloobe mabbe faa be ngollida sababuuji nder sago sottinaabe ben.

Sababuuji din no kaani tinndina gomnatiiji e laamiibe Sababuuji nafooji himbe sottinaabe. Tinndinol ngol no daara duu ONG'en e ko hanaa ONG'en. Sababuuji cottinol himbe nder leydi muudum'endin no kaani caakee nder galluuje e gure laddeje.

Sababuuji cottinol himbe nder leydi muudum'en

Naatirde : Semmbe e Nufayeere

1. Nufayeere sababuuji d̄i woni kuumtol muraaduuji sottinaabe nder leydi muudum'en e nder duuniyaaru. Hakkeoji mabbe dow reenaare e kiinol ko daari paddaaki cottinol fuu winndaama. Faa jooni, kiinol e mballa ko haani be kokkee wakkati cottinol e nde ibe cottinee e nde ibe ngarta e nde be koditake to goodom fuu winndaama.

2. Caggal sababuuji cottinol d̄i, himbe egginaabe nder leydi muudum'en ngoni himbe ñeernanaabe ndilla naa ndogga acca wuro muudum ngam kabe, fitina nder nokkuuje e reendooji naa ngam bala'uuji e jaabol hakkeoji bibbe-aadama naa ngam kisol ko wadoyta nder leydi muudum.

3. Sababuuji d̄in no njokki e hakkeoji bibbe-aadama nder leyde fuu. Nufayeeje majji ngoni :

a) Lomtoowo Sekereter Jeneral on woni kalfinaado egginol himbe nder leydi muudum'en ;

b) Leyde de egginol himbe nder leydi muudum'en daari ;

c) Kawte goodom, himbe feereebe e laamuuji d̄i himbe muudum'en cottinaa nder leydi ngo'otiri ;

d) ONG'en e ko hanaa ONG'en nder naatol haraka cottinol himbe nder leydi muudum'en .

4. Sababuuji d̄in caakee kaden ngolliree nokku fuu, nde no heboo.

HO'ORE HAALA ARANDEERE - SABABUUJI INNIRAAJI

Sababu 1

1. Himbe sottinaabe nder leydi muudum'en buraa be cottinaaka ben hakkeoji, ndimaagu e kebol ko'aaku . Cottinol ngol tuugaaki dow lennyinaaku.

2. Sababuuji d̄in ngadataa sariya nde himbe mbarondirii, nde himbe mbaraama, naa nde himbe mbaraama nder konu.

Sababu 2

1. Walloobe, laamiibe e gomnatiji no kilnoto sababuuji d̄in , ngollira d̄i, tawee be ngadaay hedaram hedaram nder egginol himbe. Njardaaki sababuuji egginol himbe nder leydi muudum'en jaalaaki laamu , pelle e egginaabe faro sariya.

2. Sababuuji d̄in nakkisittaa dati dow hakkeoji bibbe-aadama nder leydi muudum e leyde janaane. d̄i kadataa nid̄o suudowoo nder leyde janaane.

Sababu 3

1.Laamiibe ngoodi Sababu hiinude e wallude himbe egginaabe nder leydi muudum'en.

2.Himbe egginaabe ben no ngoodi Sababu y'amude reenaaree mballitaari to laamiibe ben. be kadataake ko be lamndii dum .

Sababu 4

1.Sababuuji din ngollirtaake nder hedaram hedaram, lenyinaaku ,noonde banndu,debbo naa gorko, demngal, ndiina, parti, asuli, lenyol, darnde, duubi, kepporol, jeyal, ndimeeki e ko wa'i non.

2. Wodbe nder himbe egginaabe nder leydi muudum'en hano : sukaabe, sukaabe feere muudum'en, saawube, inna suka, rewbe jogiibe baade, himbe tampube e nayeefe no kaani kiinee, mballitree kaden nyawtee.

HO'ORE HAALA II – SABABUUJI PADDOTOODI COTTINOL

Sababu 5

Gomnatiiji e leyde janaane no kilnii amanaaji kokkaadi dow deenol hakkeegi bibbe-aadama e tabbintina paddaaki sababuuji eggol himbe.

Sababu 6

1. Nidfo fuu no woodi Sababu hiineede eggol wuro muudum naa wurdude muudum tilay.

2.Cottinol himbe dow bolum hadaama :

a) hano cottinol lenyinaagu, poltikaare, barol lenyol goodom, naa buytol ndimma lenyol, ndiina maggol naa ko nanndi non.

b) cottinol himbe wakkati kabe. Nde non wafii fuu sottinteebe ben kiinee ;

c) cottinol himbe wakkati titol porojeeji mawdi ngol saanaay ngalu/riiku reendo;

d) cottinol himbe wakkati mbalaa'u hewtii be ,nde be kiinaaka naa nyawtaaka ;

e) cottinol himbe ngam ittaaki mone reendo ;

3 cottinol himbe neebataa faa wittoo wakkati tay'aado.

Sababu 7

1.Fadde laamu adude anniya sottinde himbe, ngu daaran sila Sababuuji goodom ngalaa bure cottinol .Nde nii dabare goodom walaa, no haani to himbe sottinteebe ben duudu, kaden bonnereji wakkati eggol ngol kadee.

2. Laamiibe hokkoobe Sababu himbe cottinee no ngada dabare faa himbe keba to njoodii, woodii egginol ngol wadee nder peewal e reenaare,tawee nyaamdu no woodi,himbe ben no njamdi, no laabi.Koreeji baade to cankitee.

3.Nde nii cottinol ngol no wadee nder yawdalla wakkati konu naa bonnere nani lqabi adeteedi :

a) Nidfo fuu mo Sababu no waawa adi anniya ;

b) Sababuuji kaandufi no adetee ngam himbe sottinaabe ben pahminee sababuuji cottinol.Nde nii dum wadaay fuu, be mooytante gondi kaden be kokkee nokkuure goodom be njoodoyto;

c) dum tefan pahmral tahon dow sababuuji egginol himbe ;

d) Laamiibe no piloo naatina egginteebe ben hano yeyraabe, ciryaaki e kawjaaki hoditirde mabbe ;

e) Laabi i sariya no adoyte ngam joodnde jam ;

f) Nidfo no waawa doggiri hiitorde ,nde nidfo no yidi anniyaaji di juuju aduno din y'eewte tokkee.

Sababu 8

Egginol himbe fuu, ngol teddinaay hakkeji bibbe-aadama nder nguurndam muudum'en,ndimaaku,kebal ko'aagu e suddaare sirri himbe wadfaataake.

Sababu 9

Laamuuji leyde no kaani kiina himbe rimaabe nder nokkuure,lenyol ngol duudaa,remoobe,duroobe e lenyi goodom feere egginol ngol..

Ho'ore haala III – Sababuuji ko y'eewata kiinol wakkati cottinol himbe

Sababu 10

1. Tagaado fuu no woodi hakke haro nguurndam mo Luwa hakkilii .Nidfo baa go 'oto haanaa yonki muudum ittee bolum. Himbe sottinteebe nder leydi muudum'en no kiinete tahon haro :

a) Barol himbe heewbe;

b) Ittol yonki ;

c) Barol nimbe subaabe naa bolum ; nden

d) Majjol himbe e ittol naa jogaaki ngol anndanaaka senii kulal haro maayde naa godfo maayi.

Aadoo no golliran naa wada godfo gollira nder go'otel nder kuule binndaade dowuuje de no hadaa.

2. Oorol kabe naa kuule barme yahde he himbe sottinaabe nder leydi muudum'en be ngalaa kaden nder kabe no kada to hennon fuu. Himbe sottinaabe no kiina arande haro :

a) Oorol kabe yahde himbe naa de pahmnaaki naa kuule barme kam he keernol nokkuuje to oorol kabe yahde he himbe kadaaka ;

b) Nawtoraaki rafo hano manyeere habo;

c) Nawtoraaki himbe sottinaabe hano gaarnal faa ndeena soogeeji nder kabe naa faa ada fotooji, faaldina naa hada soogeeji wakkati kabe,

d) Oorol kabe yahde nokkuuje njoodnde himbe sottinaabe ; nden

e) Nawtoraaki puttooje ufaade yahde he himbe.

Sababu 11

1. Nidfo fuu no haandi ndimaaku,teetal banndu,njamu ho'ore e nehdi.

2. Himbe sottinaabe nder leydi muudum en senii ibe tawraa jeytaare naa be tawraaka no ndeena arande haro :

a) Teetol rewbe, barmere,janngitol,gacceeji bondi e kuule yahde ndimaaku hano kuule barme yahde tan haro rewbe, njeenu tilsinaangu e keerol ko yahata haro debbo;

b) Marol naa huunde fuu ko nanndi he muudum (coonnol rewbe haro dewgal, njeenu, gollinol sukaabe nder semmbe); nden

c) Kuule barme caabotoode kuly'inol himbe sottinaabe nder leydi muudum' en.

Wi'a no golliran kuly'inol naa saabo go'otel nder kuule binndaade dowuuje dee no kadaa.

Sababu 12

1. Nid̄do fuu no haani he jeydal e njamu banndu muud̄um. Nid̄do fuu haanaa naangeede naa jogeede dow ɓolum.

2. Faa himbe sottinaabe nder leydi muud̄um'en nawtoro he hakke o, no haɗa be njogee nder nokkuure. Senii d̄um wadi dow tilay, d̄um haanaa d̄um booya sanne hano no d̄um ndarni.

3. Himbe sottinaabe nder leydi muud̄um'en no ndeena he nanngol e njogeede gam be sottinaabe.

4. Abada, himbe sottinaabe nder leydi muud̄um'en ngad̄ataake nanngaabe konu.

Sababu 13

1. Abadaa, sukaabe sottinaabe ngattataake nder konu naa tilsinee naa kokkee laawol naata nder kabe.

2. Himbe sottinaabe nder leydi muud̄um'en nder leydi muud̄um'en no ndeenete haro kuule ceediigu nder nawtoraaki ngam be sottinaabe faa be ngattee nder haboobe naa pelle de malfaaji. Jaati, nder rafi yurmeende ko bii aadama tilsinoonde nid̄do cottinaado yardoo naatude nder fedde haɓo naa yanngita d̄um senii salake no haɗaa wakkati fuu.

Sababu 14

1. Nid̄do cottinaado nder leydi muud̄um no woodi laawol yiiloo nden suɓoo nokkuure to joodoto no muuyiri.

2. Himbe sottinaabe nder leydi muud̄um'en no ngoodi arande laawol naata naa mburto no muuyiri nder nokkuuje naa senngooji joodnde.

Sababu 15

Himbe sottinaabe nder leydi muud̄um'en no ngoodi :

a) Sababu filaade renaare nder senngo leydi goodom ;

b) Sababu dillude leydi muud̄um'en;

c) Sababu y'ama to joodoto nder leydi goodom ; nden

d) Sababu reneede haro gartol naa jodfineede he semmbe nder nokkuure fuu to nguurndam , renaare , jeydal naa njamu mabbe tabitaay.

Sababu 16

1. Keerol himbe sottinaabe nder leydi muudum'en no ngoodi laawol kaalanee senii battiibe muudum' en majji e nokkuure to be tawaa.
2. Laamu no filoto no fahma gontiral e nokkuure to himbe sottinaabe nder leydi muudum'en majjube nden saawondira he hawrindeeki di leyde yaasin kawjiidi gollal ngal. Di kaalana battiibe ben dow pilaaki kin nden di kokkabe habaru keso fuu.
3. Laamu ngun filoo jaba nden senndira ko heddi he himbe maayube ben , hada be ufteede naa be cekkitee heba faaldina kokkitol mabbe nder iimaanaaku yahde to himbe mabbe.
4. Balli maaybe di himbe sottinaabe nder leydi muudum'en no ko reena wakkati fuu. Himbe sottinaabe nder leydi muudum'en no ngoodi laawol nji'a balli himbe muudum'en maayube.

Sababu 17

1. Nidfo fuu no haani he yaage yahde nguurndam korewol muudum.
2. Heba dum tabita to himbe sottinaabe nder leydi muudum'en, himbe korewol kaajaabe joododo no ngoodi laawol majjum .
3. Koreeki ceedu di caggal cottinol no tilsi kawree dow ko yaawi. Keerol laabi desaadi no adete faa koreeki din kawra fuu senii sukaabe no tawaa don buri. Laamu no faaldinan himbe korewol ngol pilaaki kin , jugoo hawriindeeki leyde yaasin gollooje nder kawral koreeki nden gollida he majje.
4. Himbe korewol go'otol sottinaabe nder leydi muudum'en hadaabe jeydal naa gattaabe nder nokkuure wo'otere no ngoodi laawol njoododo.

Sababu 18

1. Keerol himbe sottinaabe nder leydi muudum'en no kaandi nguurndam keyudam.
2. Baa nde nii dum foti, laamu no waddanan himbe sottinaabe nder leydi muudum en ben fuu ballitaari di be naftorto nder reenaare :

- a) neemaaji arani e ndiyam laabudam;
- b) kurgal e suudu;
- c) Kolte ca'iide; nden
- d) saruusiji lokotoroore e nyegeeje de be kaani be nawtoro.

3. Semmbe fuu no wattete haro siri e jeddanol rewbe kaake arane.

Sababu 19

1. Keerol himbe sottinaabe nder leydi muudum'en nawniibe naa be njamdaa faa he lardube fuu no cawrete law law ko walaa hiisa gom. Nde ibe njidi, be keban pukkinol hakkillooji mabbe.
2. Hakkillo mawngo no wattante yahde muraaduui rewbe haro njamu kam en ngoni beyngu e ko yeevta rewbe teetaabe e wobbe.
3. Hakkillo mawngo no wattante haro nyawuui daabooji hano Siida en nder himbe sottinaabe nder leydi muudum' en.

Sababu 20

1. Nidfo fuu no haani anndanee to tawaa fuu hakke haro sariya.
2. Heba himbe sottinaabe nder leydi muudum'en nawtoroo hakke on, laamu ngun no hokkan be dereeji di be kaaja(paspor, karti didantite, derewol ndimeeki, derewol dewgal ekh.) faa be nawtoroo di. dereeji din no palɗinan tefol kesi goodom naa battitol majjudi goodom,wakkati cottinol mabbe to be mbi'ee be coy'yo to be yuwi tewtoyde dereeji din.
3. Rewbe e worbe no baawa y'ami dereeji din dey duu kokke di ko walaa tampiri.

Sababu 21

1. Nidfo fuu teetataake ko jeyi e jeyaade muudum dow bolum.
2. Jeyal e jeyaade himbe sottinaabe nder leydi muudum'en no ndeenete to hen fuu he bonde tokkooje dee :
 - a) bonnere ;
 - b) caame he nimbe naa kuule nawnooje;

c) Garnol nimbe wakkati ka be naa nufayeeje de soogeeji ;

d) Nawtoraade be hano njoptaaki ; nden

e) bonnere naa teetol jogo hano gacceede himbe fuu.

3. Jeyal e jeyaade ko nimbe sottinaab be nder leydi muudum en acci wakkati dilludu mabbe no kaani ndeene he bonnere, teetol jogo, joodoo nokku mabbe naa nawtoraade yaariinde nde hanndaa.

Sababu 22

1. Nawtoraaki hakkeji di to himbe sottinaabe nder leydi muudum' en be tawee nder nokkuuje naa togom, be gaccittitaake gam be himbe sottinaabe :

a) Hakkeji haro jeydal miiji, anndol ho'ore muudum, ndiina naa njardaaki, ko yi'i e haala ;

b) Hakke pilaaki gollal e gaddol mballa muudum nder golle risku ;

c) Hakke jeydal he hawriinde e gaddol mballa muudum nder potal cap nder muraaduuji be joododi ;

d) Hakke botol e gaddol mballa muudum nder golle gomnati e kawtal kam he hakke yottaade baawde kaandufe he be nawtoro hakke on ; nden

e) Hakke kaaldol nder demngal ngal be kaalata.

Sababu 23

1. Nidfo fuu no woodi hakke haro janngineede .

2. Heba hakke oo tabita, laamu ngun no dekan yitere dow majjum faa himbe sottinaabe nder leydi muudum'en arannde sukaabe sotiinaabe no njannginte bolum tilay jannde fotornde. Jannde nden no yaagoto finaa tawaa, demngal e ndiina mabbe.

3. Kookaariiji mawdi no ngadete heba rewbe e surbaabe ngadda mballa muudum'en haro siri ko jannginte dum.

4. Sarusiiji jannde e jannginol no ngadete senii dūm hebaama yahde himbe sottinaabe nder leydi muudum'en arannde yahde he sukaabe e rewbe tawaabe nder nokkuure wo'otere naa togom.

HO' ORE IV – Sababuuji di mballa himbe duuniyaaru

Sababu 24

1. Mballa himbe fuu gaddaado no yaagoto laabi iimaanaaku nder potal nden ko walaa hedaram .
2. Mballa himbe fuu gaddaado yahde nimbe sottinaa be nder leydi muudum' en wujjataake baa nder laabi politik naa soogeeji.

Sababu 25

1. Arannde fuu, laamu leydi kam haani waddana himbe sottinaabe nder leydi muudum'en mballa.
2. Hawriindeeji duuniyaaru di mballa e hawjiibe dūm goodom no ngoodi laawol hollude no njidi waddande himbe sottinaabe nder leydi muudum'en ballagaaji. Huunde nde haanaa adeede hano rafi yigiraagu naa naatol nder muraaduuji leydi ndin ndennee no njabete he juude didi. Ballagaaji di calataake bolum fuu senii laamu ngun walaa baawde ko wallata naa wallaa anniya majjum.
3. Laamu no yardoto nden faldina bittinol mballa nder ko hoyi kam saabotoo ko hawjiibe cenndol makka keba mballa kan yottoo to himbe sottinaabe nder leydi muudum'en dow ko yaawi.

Sababu 26

Himbe kawjiibe mballa, mobilaaji din e ko di loodi fuu no ko ndenetee, palataakee dow laabi dey duu ngaccataake.

Sababu 27

1. Hawriindeeji duuniyaaru di mballa e goddi nder mballa ko be ngoni ibe ngadda no ngattanan hakkillo haro renaare e hakkeeji yahde himbe sottinaa be nder leydi muudum'en, nden be adan laabi ko wadatta dūm

tabita.Nden,hawriindeeji din e godfi no njaagoto laabi e jeloode ko leyde duunniyaaru ndarni.

2. Tayere winndannde dowuure nde walaa no njanca golle hawriindeeji duuniyaaru anndaadi ballooji leyde naa di leyde y'amata mballa muudum en.

Ho'ore haala V – SABABUUJI y'EEWOOJI GARTOL , JODDINTINOL E naatinol himbe nder reendo

Sababu 28

1. Arannde fuu, dow laamu woni tilay e teddirka gartol muuyaangol nder renaare e nder ndimmaaku himbe sottinaa be nder leydi muudum'en nder koreeji naa nokkuure to njoodino naa njoy'itinol mabbe nder senngo leydi naa wallira be baawde majjum.Laamu ngun no faldinan naatol reendo himbe sottinaabe nder leydi muudum'en soy'itiibe nder nokkuure muudum'en aranndeere naa soy'intinaabe.

2. Kookariiji mawdi no adete faa himbe sottinaabe nder leydi muudum'en ngadda mbaalla muudum'en nder siri e gartol naa joddintinol e naatol reendo mabbe.

Sababu 29

1. Himbe sottinaabe nder leydi muudum'en soy'itiibe kowle naa nokkuure mabbe to be ngonuno naa jooditiibe nder gere nokkuuje leydi njancataake ngam cottinol mabbe. Ibe ngoodi laawol be ngadda mballa mabbe nder muraaduuji hano mo hen fuu nden duu be nawtoroo he are kawtal.

2. Laamu ngun no tilsi e nder golle muudum non walla himbe sottinaabe nder leydi muudum'en wartube nder nokkuure muudum'en nde, joddinaabe nji'ita jeyal naa jeye ko accuno wakkati dilludu muudum'en. Se nii be nji'itaay jeyal ngal be accuno duu, laamu no hokkan be diya naa ko nanndi he muudum goodom naa walla be be keba dum.

Sababu 30

Laamu ngun no hokkan laawol nden walla hawriindeeji duuniyaaru e godfi be nji'ita jeyal mabbe law law nder yaage laabi golle majji to himbe sottinaabe nder leydi muudum'en haro gartol naa joddintinol mabbe nder banndiraabe.

*/ Ittaama nder dewtere E/CN.4/1998/53/Add.2, wurtiinde 11 lewru
Febiriye hitaande 1998

© The Office of the High Commissioner

for Human Rights

Geneva, Switzerland

Send e-mail with comments and suggestions to: webadmin.hchr@unog.ch

OHCHR-UNOG

8-14 Avenue de la Paix

1211 Geneva 10, Switzerland Telephone Number (41-22) 917-9000 Fax

Number (41-22) 917-9016